




Republika ng Pilipinas  
Lalawigan ng Bulacan  
Lungsod ng Malolos



\* 463

## TANGGAPAN NG PUNONG LUNGSOD

### ATAS TAGAPAGPAGANAP BLG. 23

Serye 2021

**ATAS NA NAGLALAHAD NG MGA PAMANTAYANG IIRAL SA LUNGSOD NG MALOLOS MULA IKA-16 NG HUNYO, 2021 HANGGANG SA IKA-30 NG HUNYO, 2021.**

**SAPAGKAT**, alinsunod sa Item A (v) ng Resolusyon Blg. 121 ng Inter-Agency Task Force for the Management of Emerging Infectious Diseases, ang klasipikasyong pangkuwarentinang General Community Quarantine na may kaakibat na ilang paghihigpit sa mga pinapayagang gawain o aktibidad (*with some restrictions*) ay iiral sa Lalawigan ng Bulacan mula ika-16 ng Hunyo hanggang sa ika-30 ng Hunyo, 2021;

**SAPAGKAT**, alinsunod sa Seksyon 16 ng Kodigo ng Pamahalaang Lokal ng Pilipinas 1991, nararapat na siguraduhin at suportahan ng mga pamahalaang lokal ang kalusugan at kaligtasan ng kanilang mamamayan bilang bahagi ng pangkalahatang kapakanan sa kani-kanilang nasasakupan;

**SAPAGKAT**, alinsunod sa Seksyon 455 (2) (iii) ng Kodigo ng Pamahalaang Lokal ng 1991, ang Punong Lungsod bilang Punong Tagapagpaganap ng pamahalaang lungsod ay may kapangyarihang mag-akda ng mga atas tagapagpaganap para sa taimtim na pagsasagawa ng mga batas at ordinansa;

**AT SA GAYON, DAHIL DITO**, ako, si **INH. GILBERT T. GATCHALIAN**, Punong Lungsod ng Lungsod ng Malolos, Lalawigan ng Bulacan, sa bisa ng kapangyarihang kaloob sa akin ng mga umiiral na batas, ay ipinag-uutos ang mga sumusunod:

**SEKSYON I. PINAIGTING NA PAGLILIMITA NG MGA GAWAIN O AKTIBIDAD NGAYONG GCQ.** Tanging mga hindi maiiwasang pagbiyahe ang pinahihintulutan gaya ng pagtungo sa lugar ng hanapbuhay, pagbili ng mga pangunahing pangangailangan, at pagtugon sa tawag ng tungkulin sa tanggapan o industriyang kinabibilangan;

**SEKSYON II. PAHINTULOT NA LUMABAS NG BAHAY.** Tanging ang mga may edad na nasa pagitan ng 18 hanggang 65 ang maaaring lumabas ng bahay. Ang lahat ng buntis at ang mga may isyung pangkalusugan ay nararapat na manatili sa loob ng bahay sa lahat ng panahon, liban na lamang kung ang kanilang paglabas ay para sa kanilang kalusugan,

paghahanapbuhay, o pagbili ng mga kinakailangan / serbisyo kung sila ay namumuhay na walang kasama sa bahay.

Alinsunod sa Resolution No. 120 Item C ng Inter-Agency Task Force for the Management of Emerging Infectious Diseases (IATF), ang mga Senior Citizens na nakakumpleto na ng dalawang dosis ng bakuna kontra COVID-19 ay may pahintulot ng lumabas ng bahay sa kondisyong kanilang maipapakita ang kanilang *COVID-19 Vaccination Card*.

### **SEKSYON III. PAGTALIMA SA MGA PINAIGTING NA PAMANTAYAN AYON SA RESOLUSYON NG IATF BLG. 121:**

1. Ang mga restaurant, at iba pang kainan ay pinahihintulutang magkaroon hanggang sa ika-40% ng seating capacity para sa indoor dining, at 50% ng seating capacity para sa al fresco o outdoor dining;
2. Ang mga personal care services na kinabibilangan ng beauty salons, beauty parlors, barbershops, medical at aesthetic clinic, cosmetic or derma clinics, nail spas, reflexology, aesthetics, wellness and holistic centers at iba pang kahalintulad na establisyimento; acupuncture at electrocautery establishments ay maaaring magbukas hanggang sa 50% capacity *para lamang sa mga serbisyong maaaring makapagsuot ng facemask sa lahat ng oras ang kliyente*;
3. Ang mga *meetings, incentives, conventions and exhibitions* (MICE) ay pinahihintulutan hanggang sa 30% ng *venue capacity*; samantalang ang mga *social events* ay pinahihintulutang daluhan ng hanggang sa 10% lamang ng *venue capacity*;
4. Ang mga indoor tourist attractions, historical sites at mga museum ay pinahihintulutang tumanggap ng bisita hanggang 20% ng *venue capacity*; samantalang ang outdoor tourist attractions na pahihintulutang bukas ng Kagawaran ng Turismo ay maaaring magpapasok ng turista hanggang 50% ng *venue capacity*; samantala, mananatiling sarado ang mga indoor tourist attractions;
5. Ang mga religious gatherings ay pinahihintulutang daluhan ng mga mananamba hanggang sa 50% *venue capacity*. Tinatagubilinan ang mga Pinuno ng Simbahan na magsumite ng kanilang *health and safety protocol plan* upang masiguro ang kaligtasan ng mga mananamba;
6. Ang mga gyms at fitness center ay pinahihintulutang magbukas hanggang sa 20% ng *venue capacity*. Ang iba pang indoor non-contact sports venues ay may pahintulot na magbukas hanggang 30% ng *venue capacity*;
7. Ang paglilibing at lamay ng mga mahal sa buhay na pumanaw hindi dahil sa coronavirus ay pinahihintulutang daluhan ng mga miyembro ng immediate family ng namayapa;

### **SEKSYON IV. MGA HINDI PINAHIHINTULUTANG MAGBUKAS NGAYONG GCQ.**

1. Entertainment venues na may live performers gaya ng karaoke bars, bars, clubs, concert halls, theaters, at mga cinemas;
2. Recreational venues gaya ng mga internet shop, billiard halls, amusement arcades, bowling alleys, at mga kahalintulad na establisyimento;
3. Amusement parks o theme parks, perya, kid amusement industries gaya ng playgrounds, playroom, at kiddie rides;



4. Casino, horse racing, cockfighting, operasyon ng mga sabungan, lottery, anumang tayaan, at iba pang laruan, libang na lamang kung may pahintulot ng IATF o ng Tanggapan ng Pangulo ng Republika ng Pilipinas;

**SEKSYON V. PAGPAPATUPAD NG MINIMUM PUBLIC HEALTH STANDARDS.** Ang Kapulisan at ang mga Barangay Tanod sa pamamagitan ng Tanggapan ng mga Punong Barangay ay inaatasang siguruhin na walang sinumang makalalabas ng kanilang mga bahay ng walang face mask at face shield. Hinihikayat ang mga nakatatanda at ang mga may isyung pangkalusugan na magsuot ng face masks maging sa loob ng tahanan.

**SEKSYON VI. PAGGAWA SA MGA TANGGAPAN AT INDUSTRIYA.** Ang mga Tanggapan sa Pamahalaang Lungsod ng Malolos ay tutupad sa tungkulin sa pamamagitan ng skeletal workforce liban sa mga Pinuno ng Tanggapan na nararapat na pangasiwaan ang kanilang mga Tanggapan sa lahat ng oras ng paggawa. Upang siguruhing patuloy ang mabilis na serbisyo publiko, *full operational capacity* ang ipatutupad sa Tanggapan ng Punong Lungsod, Tanggapan ng Tagapangasiwang Panlungsod, City Health Office, General Services Offices, City Engineering Office, City Disaster Risk Reduction and Management Office, Traffic Management Office, Information and Technology Office, City Information Office, City Environment and Natural Resources Office, Business Permit and Licensing Office, at ang mga kawaning gumagampan sa Bids and Awards Committee.

Ang mga Pampublikong Tanggapang nasa ilalim ng Pamahalaang Nasyunal ay inaatasang makipag-ugnayan sa kanilang Central Office patungkol sa bahagdan ng kanilang operasyon ngayong General Community Quarantine.

Ang mga pribadong establisyimento ay inaatasang makipag-ugnayan sa mga ahensiya ng Pamahalaang Nasyunal na nakasasakop sa kanilang industriya at tumalima sa DTI Memorandum Circular 21-19 Series of 2021.

**SEKSYON VII. STAY SAFE.PH APPLICATION AT SAFETY SEAL.** Ang lahat ng tanggapan at establisyimento sa Lungsod ng Malolos ay muling tinatagubilinang gamitin ang Stay Safe.Ph Application upang matulungan ang pamahalaan tungo sa epektibong contact tracing. Patuloy na magsasagawa ng inspeksyon ang Bantay Covid-19 Special Team ng Lungsod upang gawaran ng Safety Seal ang mga tumatalimang establisyimento alinsunod sa DOLE-DOH-DILG-DOT-DTI JMC No. 21-01 Serye 2021.

Alinsunod sa IATF Resolution 118-A, ang mga establisyimentong nagawaran na ng Safety Seal Certifications ng Pamahalaang Lungsod ay maaaring magdagdag ng 10% sa pinahihintulutang bahagdan ng on-site capacity, venue o seating capacity.

**SEKSYON VIII. CURFEW.** Ang Pamahalaang Lungsod ng Malolos ay tatalima sa curfew hours na ipinatutupad sa buong lalawigan na itinakda mula 8PM hanggang 5AM.

**SEKSYON IX. MAHIGPIT NA PAGTALIMA.** Ang Bantay COVID-19 Special Team na binubuo ng mga kawani at kinatawan ng *City Health Office, City Disaster Risk Reduction and Management Office, City Administrator's Office, Business Permit and Licensing Division, Philippine National Police, at Bureau of Fire Protection*, ay patuloy na inaatasang makipagtulungan sa Tanggapan ng mga Punong Barangay tungo sa mahigpit na pagpapatupad ng


*Minimum Public Health Standards*, at ng mga nilalaman ng Atas na ito, at iba pang kaugnay na batas at alituntuning inilathala o ilalathala ng Pamahalaang Nasyunal patungkol sa *Community Quarantine*.

**SEKSYON X. SUGNAY NG PAGHIHWALAY.** Kung sakaling ang alinman sa mga sugnay ng Atas na ito ay maipawalang-bisa, mananatiling may bisa ang lahat ng sugnay na maaaring ihiwalay sa sugnay na nawalan ng bisa.

**SEKSYON XI. SUGNAY NG PAGBUBUKLOD.** Anumang batas, atas, ordinansa, o regulasyong ipatutupad ng Pamahalaang Parilawigan at Pamahalaang Nasyunal kaugnay sa umiiral na klasipikasyong pangkuwarantina ay ginagawang bahagi ng Atas na ito.

**SEKSYON XII. KABISAAN.** Ang Atas Tagapagpaganap na ito ay binibigyang kabisaan mula ika-16 ng Hunyo, 2021.

Nilagdaan ngayong ika-15 ng Hunyo, 2021. Lungsod ng Malolos, Lalawigan ng Bulacan.

  
INH. GILBERT T. GATCHALIAN  
Punong Lungsod

  
6/16/21